

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«04» «04» 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Պետական մարմին)՝ ի դեմս նախարարության կանոնադրության հիման վրա գործող գլխավոր քարտուղար Գ. Սաֆարյանի, մի կողմից, և «Հայաստանի երգի պետական թատրոն» պետական ոչ առևտրային կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրենի ժամանակավոր պաշտոնակատար Մ. Գրիգորյանի, մյուս կողմից, (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր) հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Պետական մարմինը հանձնարարում է, իսկ Կատարողը ստանձնում է Պետական մարմնի կողմից հատկացված միջոցներն ուղղել «Ֆրանսիան մեր բարեկամն է» նախագծի իրականացման ծախսերին՝ համաձայն Պայմանագրի անբաժանելի մաս կազմող ծրագրի (Հավելված N 1) և ծախսերի նախահաշվի (Հավելված N 2):

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պետական մարմինը պարտավոր է՝

2.1.1. Ի կատարումն ՀՀ կրթության, գիտության, մշակույթի և սպորտի նախարարի 2022 թվականի ապրիլի 5-ի N 566 -Ա/2 հրամանի՝ հիմք ընդունելով ՀՀ կրթության, գիտության, մշակույթի և սպորտի նախարարության կողմից ֆինանսավորվող մշակութային դրամաշնորհային ծրագրերի «Երաժշտարվեստի նախագծեր» անվանակարգի մասնագիտական խմբի 2022 թվականի մարտի 17-ի նիստի N 5 արձանագրությունը՝ Կատարողին հատկացնել գումարը «Հայաստանի Հանրապետության 2022 թվականի պետական բյուջեի մասին» օրենքի «1168. Արվեստների ծրագրի» «11005. Մշակութային միջոցառումների իրականացում» միջոցառման ՀՀ կրթության, գիտության, մշակույթի և սպորտի նախարարությանը նախատեսված անհատույց դրամաշնորհների հաշվին,

2.1.2. Պայմանագրի 6.1-ին կետով սահմանված ժամկետում ընդունել Կատարողի կողմից Պայմանագրի 2.3.3-րդ ենթակետով սահմանված կարգով ներկայացված հաշվետվությունները, ընդունելուց հետո ստորագրել հանձնման-ընդունման արձանագրությունը:

2.2. Պետական մարմինն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից Պայմանագրի կատարման ընթացքը՝ չմիջամտելով վերջինիս գործունեությանը,

2.2.2. Կատարողի կողմից Պայմանագրի 2.3-րդ կետով նախատեսված պարտավորությունները չկատարելու դեպքում հետ պահանջել փոխանցված գումարը, միակողմանի լուծել Պայմանագիրը՝ դադարեցնելով պայմանագրով իր վրա դրված պարտավորությունների կատարումը,

2.2.3. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները,

2.2.4. Պայմանագրի 6.1-ին կետով սահմանված ժամկետում Կատարողից պահանջել ներկայացնել Պայմանագրի 2.3.3-րդ ենթակետով նախատեսված հաշվետվությունը:

2.3. Կատարողը պարտավոր է՝

2.3.1. Պայմանագրից բխող աշխատանքներն իրականացնել՝ ապահովելով Պայմանագրի անբաժանելի մաս կազմող նախահաշվի, ինչպես նաև Պայմանագրի այլ պարտադիր պահանջները,

2.3.2. Պետական մարմնի պահանջով նրան հաղորդել տեղեկատվություն աշխատանքների կատարման ընթացքի մասին,

2.3.3. Մինչև Պայմանագրի 6.1-ին կետով սահմանված հաշվետվությունների ներկայացման ժամկետի ավարտը Պետական մարմնին ներկայացնել հաշվետվություն (ֆինանսական և բովանդակային) իր կողմից իրականացված ծախսերի և կատարված միջոցառումների մասին: Ֆինանսական հաշվետվությունը պարունակում է Պետական մարմնի կողմից հաստատված ձևանմուշով լրացված ձևը (նախահաշվի ծախսերը հիմնավորող հաշվապահական և այլ փաստաթղթերը գտնվում են Կատարողի մոտ, վերջինս պատասխանատվություն է կրում հաշվետվությամբ ներկայացված տվյալների հավաստիության համար), իսկ բովանդակայինը՝ ամբողջական տեղեկատվություն միջոցառման իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լրսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.3.4. Պայմանագրից բխող աշխատանքները չկատարելու դեպքում վերադարձնել Պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.3.5. Հրապարակել Պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.3.6. Ձեռնարկել իր կողմից հնարավոր բոլոր միջոցները՝ Պայմանագրի կատարման համար առաջացած խոչընդոտները վերացնելու նպատակով,

2.3.7. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով,

2.3.8. Պայմանագրով սահմանված աշխատանքների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2022 թվականի դեկտեմբերի 23-ը:

2.4. Կատարողն իրավունք ունի՝

2.4.1. Պետական մարմնի կողմից Պայմանագրի 2.1.1-ին ենթակետով նախատեսված պարտավորությունները չկատարելու դեպքում միակողմանի լուծել Պայմանագիրը՝ դադարեցնելով Պայմանագրով իր վրա դրված պարտավորությունների կատարումը,

2.4.2. Անհրաժեշտության դեպքում Պայմանագրի անբաժանելի մաս կազմող նախահաշվով նախատեսված ծախսային ուղղություններում իրականացնել յուրաքանչյուր ծախսային ուղղության գումարի 10 տոկոսի չափով շեղում՝ չխախտելով վճարումների համար սահմանված նորմերը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար Պետական մարմինը Կատարողին հատկացնում է 8000,0 հազար (ութ միլիոն) դրամ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի,

3.2. Պայմանագրի 3.1-ին կետում սահմանված գումարի 80 %-ը Կատարողին հատկացվում է Պայմանագրի կնքումից հետո, իսկ 20 %-ը՝ Պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ Կատարողի հաշվեհամարին փոխանցելու միջոցով:

3.3. Համաձայն «ՀՀ 2022 թվականի պետական բյուջեի մասին» օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

4. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

4.1. Պայմանագրի 1.1-ին կետում նշված և ամբողջությամբ կատարված աշխատանքները Կատարողի կողմից ներկայացվում են Պետական մարմնի ընդունմանը ոչ ուշ, քան Պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն:

4.2. Ծրագրով նախատեսված ոչ ֆինանսական ցուցանիշները չեն կարող ներառվել 02.02.2022 թ. դրամաշնորհի տրամադրման N ՄՇԴ-62 պայմանագրով նախատեսված ոչ ֆինանսական ցուցանիշներում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ ԵՎ ՊԱՅՄԱՆԱԳԻՐԸ ԴԱԴԱՐԵՑՆԵԼՈՒ ԿԱՐԳԸ

5.1. Պայմանագրով նախատեսված պարտավորությունները Կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ Պայմանագրի կատարման համար խոչընդոտներ ստեղծելու, մյուս կողմին վնաս պատճառելու համար կողմերից յուրաքանչյուրը պատասխանատվություն է կրում մյուս կողմին պատճառած վնասների լրիվ ծավալով՝ օրենքով սահմանված կարգով,

5.2. Պայմանագիրը կարող է վաղաժամկետ լուծվել Կողմերից որևէ մեկի նախաձեռնությամբ՝ մյուս կողմի՝ Պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների լրիվ չափով փոխհատուցում,

5.3. Պայմանագիրը վաղաժամկետ դադարեցնելը կամ լուծելը Կատարողի կողմից այն կատարել շարունակելն աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում Պետական մարմինը իրավունք ունի կամ ստանալ Պայմանագրի 3.1-ին կետով նախատեսված գումարի լրիվ փոխհատուցումը, կամ պահանջել Պայմանագրի հարկադիր կատարումը,

5.4. Պայմանագրի 1.1-ին կետով նախատեսված աշխատանքների համար պայմանագրով սահմանված ժամկետները Կատարողի կողմից չպահպանելու դեպքում վերջինս Պետական մարմնին վճարում է տույժ՝ հանձնման ենթակա, սակայն չհանձնված աշխատանքների արժեքի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար,

5.5. Պայմանագրով նախատեսված հաշվետվությունների ներկայացման համար նախատեսված ժամկետները չպահպանելու դեպքում Կատարողը Պետական մարմնին վճարում է տույժ՝ պայմանագրի գնի 0.05 (հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

6. ՊԱՅՄԱՆԱԳՐՈՎ ՆԱԽԱՏԵՍՎԱԾ ԱՇԽԱՏԱՆՔԻ ԿԱՏԱՐՄԱՆ, ՀԱՇՎԵՏՎՈՒԹՅՈՒՆՆԵՐԻ ՆԵՐԿԱՅԱՑՄԱՆ ԺԱՄԿԵՏԸ

6.1. Պայմանագրով նախատեսված աշխատանքի կատարման ժամկետը մինչև 2022 թվականի հուլիսի 1-ն է, իսկ հաշվետվությունների ներկայացման ժամկետը մինչև 2022 թվականի հուլիսի 30-ը:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ /ՖՈՐՍ-ՄԱԺՈՐ/

7.1. Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը,

վատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է երեք ամսից ավելի, ապա Կողմերից յուրաքանչյուրը իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ՎԵՃԵՐԻ ԼՈՒԾՄԱՆ ԿԱՐԳԸ

8.1. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են օրենքով սահմանված կարգով:

9. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

9.1. Պայմանագիրը ուժի մեջ է մտնում Կողմերի ստորագրման պահից և գործում է մինչև Կողմերի պարտավորությունների ողջ ծավալով կատարման ավարտը:

10. ՄՈՆԻԹՈՐԻՆԳԸ

10.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ,

10.2. Մոնիթորինգն իրականացվում է Պետական մարմնի և (կամ) նրա կողմից լիազորված անձի կողմից,

10.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կատարողին տրվում են ցուցումներ, և կատարվում են առաջարկություններ,

10.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ռառամնասիրելով ծրագրին առնչվող ցանկացած փաստաթղթեր և նյութեր,

10.5. Մոնիթորինգի իրականացման ընթացքում Կատարողից կարող են պահանջվել գրավոր ու բանավոր պարզաբանումներ և բացատրություններ:

11. ԱՅԼ ՊԱՅՄԱՆՆԵՐ

11.1. Պայմանագիրը կազմված է 7 թերթից, կնքվում է 2 օրինակից, որոնք ունեն հավասարազոր իրավաբանական ուժ,

11.2. Սույն պայմանագրում լրացումներ ու փոփոխություններ կատարելու վերաբերյալ համաձայնությունները կազմվում են գրավոր և հաստատվում են Կողմերի ստորագրությամբ:

12. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

ՊԵՏԱԿԱՆ ՄԱՐՄԻՆ՝

«Հ կրթության, գիտության, մշակույթի և սպորտի նախարարություն
Երևան, Վ. Սարգսյան 3
Կառավարական տուն N 2

«Հ ՖՆ գործառնական վարչություն
Հ/Հ 900011032878, հվհհ 02698732

Գլխավոր քառուղար՝
Գ. Սաֆարյան



ԿԱՏԱՐՈՂ՝

«Հայաստանի երգի պետական թատրոն» ՊՈԱԿ
ք. Երևան, Խանջյան 13/1

«Հ ՖՆ գործառնական վարչություն
Հ/Հ 900018001546, ՀՎՀՀ 02517011
Հեռ.՝ 010 52 17 16

Տնօրենի ժամանակավոր պաշտոնակատար՝

Մ. Գրիգորյան
(ստորագրություն)



Ծ Ր Ա Գ Ի Ր

«Ֆրանսիան մեր բարեկամն է» նախագծի

1	Կազմակերպության անվանում	«Հայաստանի երգի պետական թատրոն» ՊՈԱԿ
2	Կազմակերպության գտնվելու վայր	ՀՀ, ք.Երևան, Խանջյան 13/1
3	Ծրագրի անվանում	«Ֆրանսիան մեր բարեկամն է»
3.1	Բովանդակություն	<p>Ծրագիրն իրենից ներկայացնում է համերգաշար՝ նվիրված ֆրանսահայ հանրահոշակ կոմպոզիտորների ստեղծագործությունների ճանաչելիությանը և պատմությանը: Համերգներին կհնչեն կոմպոզիտորների ստեղծագործությունները՝ նոր գործիքավորմամբ և նոտայագրմամբ:</p> <p>Համերգներն անց են կացվելու կենդանի կատարմամբ, ՊՈԱԿ-ի նվագախմբի և արտիստների մասնակցությամբ: Ավելին, յուրաքանչյուր համերգ կուղեկցվի նաև մեկնաբանություններով, որի շրջանակներում կներկայացվի ֆրանսահայ մեծանուն կոմպոզիտորների ստեղծագործությունների պատմությունը, որով ունկնդիրը կծանոթանա սիյուդալ հայ արվեստի մեծություններին:</p> <p>Յուրաքանչյուր համերգի ընթացքում, հայ-ֆրանսիական բարեկամության թեմայով գեղանկարներ կստեղծի թատրոնի նկարիչ-դիզայների կողմից և վերջին համերգի ժամանակ, Գյումրիում կցուցադրվեն այդ բոլոր 6 համերգի թեմայով և այլ գեղանկարները, որոնք առնչվում են Ֆրանսիայի, երաժշտության և Գյումրիի հետ:</p>
3.2	Նպատակ	<p>Ծրագիրը հայ-ֆրանսիական բարեկամական կապերի ամրապնդման, մշակութային կապերի զարգացման, ֆրանկոֆոնիայի շրջանակներում՝ Հայաստանում Ֆրանսիայի դեսպանատան հետ համագործակցության կարևոր հարթակ ստեղծող և դրա գործունեություն ապահովող նախագիծ է, ինչպես նաև՝ Հայաստանի մարզերում մշակութային կյանքի աշխուժացման:</p> <p>Ծրագրի առաջնային նպատակն է համայնքների ակտիվացումը մշակութային կյանքին, նրանց ներգրավվումը, և մարզերի բնակիչների</p>

ՄԱ ԲՆՕՒՄ ԲՆԱՆՆԱԿԱՆ ԿՈՄԻՏԵ

		հնարավորինս մեծ թվի ներգրավում ունկնդրելու բարձրորակ երաժշտություն, ճանաչելիությունը սփյուռքահայ արվեստի մեծությունների ստեղծագործություններին, ինչպես նաև հայֆրանսիական մշակութային կապերին:
3.3	Անցկացման ժամկետ	01.05.2022թ. – 30.06.2022թ.
3.4	Անցկացման վայր	Համերգաշարը կիրականացվի ՀՀ Կոտայքի, Սյունիքի, Լոռու, Շիրակի մարզերի՝ 6 քաղաքների մշակույթի տներում և կենտրոններում՝ (Հրազդան, Կապան, Ստեփանավան, Ալավերդի, Վանաձոր, Գյումրի)
3.5	Ակնկալվող արդյունքներ	Բոլոր համերգները կներկայացվեն բացառապես կենդանի կատարմամբ և նվագակցությամբ, որն էլ ավելի արդյունավետ կլինի որակյալ երաժշտության տարածման գործում:
3.6	Ոչ ֆինանսական ցուցանիշներ	Նախատեսվում է 6 համերգային ծրագիր

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
Երևան, Վ. Սարգսյան 3
Կառավարական տուն N 2
ՀՀ ՖՆ գործառնական վարչություն
Հ/Հ 900011032878, հվհհ 02698732

Գլխավոր քարտուղար՝
Գ. Սաֆարյան
(ստորագրություն)

Կ. Տ.



ԿԱՏԱՐՈՂ՝

«Հայաստանի երգի պետական թատրոն» ՊՈԱԿ
ք. Երևան, Խանջյան 13/1
ՀՀ ՖՆ գործառնական վարչություն
Հ/Հ 900018001546, ՀՎՀՀ 02517011
Հեռ.՝ 010 52 17 16

Տնօրենի ժամանակավոր պաշտոնակատար՝
Մ. Գրիգորյան
(ստորագրություն)
Կ.Տ.



Ն Ա Խ Ա Հ Ա Շ Ի Վ

«Ֆրանսիան մեր բարեկամն է» նախագծի իրականացման ծախսերի

Հ / Հ	Ծախսատեսակի անվանումը	Միավոր	Քանակ	Միավորի արժեքը (դրամ)	Գումարը (հազար դրամ)
	Վարձատրություն (ներառյալ հարկերը)				2282.0
	Պրոդյուսեր (1 մարդ, 2 ամիս)	մարդ/ամիս	2	250000	500.0
	Երաժշտական ղեկավար (1 մարդ, 2 ամիս)	մարդ/ամիս	2	200000	400.0
1	Համակարգող (ֆինանսական, 1 մարդ, 2 ամիս)	մարդ/ամիս	2	150000	300.0
	Համակարգող (գեոմետրիկ, 1 մարդ, 1 ամիս)	մարդ/ամիս	1	160000	160.0
	Համակարգող (Վ մարդ, 2 ամիս)	մարդ/ամիս	2	150000	300.0
	Օպերատոր	համերգ	6	40000	240.0
	Արտիստ	համերգ	6	63670	382.0
	Տրանսպորտային միջոցի վարձակալություն				479.7
	Երևան-Հրազդան-Երևան	միկրովտորուս	1	33700	33.7
2	Երևան-Կապան-Երևան	միկրովտորուս	1	170000	170.0
	Երևան-Ստեփանավան-Ալավերդի-Վանաձոր-Երևան	միկրովտորուս	1	204000	204.0
	Երևան-Գյումրի-Երևան	միկրովտորուս	1	72000	72.0
	Կեցության և սննդի ծախսեր				1285.0
	Գիշերավարձ Սյունիքի մարզ, ք. Կապան (20 մարդ, 1 օր)	մարդ/օր	20	7000	140.0
3	Գիշերավարձ Լոռու մարզ, ք. Վանաձոր (20 մարդ, 3 օր)	մարդ/օր	60	6750	405.0
	Գիշերավարձ Շիրակի մարզ, ք. Գյումրի (20 մարդ, 1 օր)	մարդ/օր	20	10000	200.0
	Սնունդ՝ (օրապահիկ, 20 մարդ, 9 օր)	մարդ/օր	180	3000	540.0
4	Լուսանյայնային տարրավորումների վարձակալություն, սպասարկում, տեղափոխում (լուսանյայնային վահանակներ, խոսափողներ, ուժեղացուցիչներ, մոնիտոր և այլն)	օր	9	274440	2470.0
5	Կրթամշակութային կամ թատերահամերգային միջոցառում իրականացնելու համար ծառայությունների մատուցման սակագին (Գյումրու Վ. Աճեմյանի անվան պետական դրամատիկական թատրոնի դահլիճ)	օր	1	150000	150.0
	ԸՆԴԱՄԵՆԸ				6666.7
	ԱԱՀ*				1333.3
	ԱՄԲՈՂՋԸ				8000.0

* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 9000110328781, ԿԿԻ 02698732

Փոխավոր քարտուղար՝
 Գ. Սաֆարյան
 (ստորագրություն)



ԿԱՏԱՐՈՂ՝

«Հայաստանի երգի պետական թատրոն» ՊՈԱԿ
 ք. Երևան, Խանջյան 13/1
 ՀՀ ՖՆ գործառնական վարչություն
 Հ/Հ 900018001546, ՀՎՀՀ 02517011
 Հեռ.՝ 010 52 17 16

Տնօրենի ժամանակավոր պաշտոնակատար՝
 Մ. Գրիգորյան
 (ստորագրություն)



Կ.Տ.